

黔陽縣志卷四十一

獨行傳一

窮則獨善其身孟子言之矣然所謂獨善者豈惟潔修自好而已匹夫爲善於鄉薰其德而善良者數千人况其爲薦紳先生與夫文人學士哉惟以數奇不獲見用於時以宏其抱負故以獨行目之然其有功於人亦賢卿相等耳范蔚宗之傳獨行猶小之也今合舊志好義篤行而概之以獨行別爲卷

元 謝郁九年四十無嗣因捐產於元靈觀禱諸神生子遂以元命名晚益好善樂施子孫繁衍新補

明 丁萬機字少坪明季諸生富而好施崇正間賦斂繁急值連年歲荒道殣相望機傾貲賑之所費數千餘金倡修廻龍石拱橋有還陽子碑記見橋注十七年聞變即不食嘆曰愧書生不能荷戈

黔陽縣志

卷第四十一 獨行一

一

報國也未幾死子人元亦諸生以哀毀終新補

國朝 向學顏子六里人 國初名諸生家貧嘗館中方年終途遇陳姓某嫁妻償逋相對泣別顏爲慘然盡出修金代償之不叩其名而歸是時流寇竄沅靖顏被掠至黎平界除夕陰脫於難夜抵山宅主人出問則昔之嫁妻者先年避兵於此也詰朝強留不可正月望日入門合家歡慶舉酒祀神後其子孫每於望日各還平安願遂成爲風俗云新補

楊繼玉字爾純幼值吳逆寇亂避兵石窟絕粒數日猶手不釋卷及長自念屢傳孤特務積德貽後初爲辰州府書吏遇事調持郡守遲端引致幕中興利除害深倚任之時趙恭毅申喬撫偏沅檢察羣屬參劾最嚴守恃以全者皆繼玉力也喜文士嘗以智脫激浦諸生於難者六人事後持千金謝弗納所有積貲盡以與孤貧

應試者飲其卷費康熙辛卯赴部考授正八品不願仕歸治家嚴肅元旦雪積庭階見幼孫女足跡以爲輕出跪而數之女後適丁以節孝著生平勉爲義命之學每爲兒孫詳究其說遂以世其家子崙孫景行均以學行傳景行有傳見儒宿新補

易應瑞字兆先肫誠樂善村外兩溪橋要津也水勢迅急山漲驟發歲待修治瑞獨力任之歷四十餘年晚率子姪興築顧謂曰我在如是死後知誰繼也子國仕應曰不敢懈迄今垂二百年勿替孫廷榜以子仁漢任永順協右戎府 贈如其官仁漢兄仁科

有善行

新補

楊縉入貲爲國子生平生輕財好義族人貧不自存者割己

田數

十畝與之耕而不收其租有負金者輒焚其券置棺槨興義塚樂

施無倦色

舊志

黔陽縣志

卷第四十一 獨行一

二

王隣性孝友好行義里有薛姓者以負債鬻其子婦隣過其家見而憫之爲治具召眾債家至且告且勸擲三十金於案各計其數量償之眾感其義無有言者薛姓子婦得不嫁宅內闢一齋獨出修脯膏火延師以教族里之秀者造就實多年七十無疾危坐而

逝

舊志

唐義謙字子和性孝友兄弟六人謙行五家貧服賈竭力奉親兄義諭早喪嫂黃氏守節遺三孤子皆幼贍養不缺雖勤儉成家而以睦婣任恤爲己任遇戚里窘急者周之或感謝輒不悅乾隆歲癸酉邑中大旱明年夏民饑甚邑侯柳秉謙設法勸富戶納穀助常平糶貧者奔守縣城多菜色謙因傾其橐出累年所積金三百兩施豆粥儒學范孟瑄爲立義行傳謙愀然顧諸子曰當日道殣相望予從飢寒中來自難爲懷是區區者究於邑人何補顧以此

邀名乎蓋其盛德類如此舊志○附錄范孟瑄書唐君義行傳於無人富而後仁義附焉豈盡然哉黔公兄弟六人以長兄遭故產洪鄉人其先大父家頗饒父仁修生公兄弟六人義謙邑之親盡絕徙居城廂時公尙幼寤甚困乏者輒賙之積勞三十營上視其子橐可數百金稍置田宅歲生不立視人之米錢因捐貲施豆粥予固饑寒中人也幸而獲生不可此焉是時邑雖旱柳公富者多計其所費蓋少或數千金公且十不逮一焉而時是邑侯柳公富者軫念饑黎勸富戶納穀減價以糶也公未嘗列名富籍不踴躍而願自捐其賢不肖何如哉人情得之也難之餓者其愛惜而守之必堅春秋時衛國凶饑公叔文子爲粥與國之餓者其愛惜而守之必堅春文子世卿所號素封者也公以饑不得食寒不得衣之人甫堪自給一旦天災流行不惜傾廩以困以甦人困雖黔民全活不專賴此而其仁義之性鬱於中而作於外者灼明矣余秉鐸是邑有風教責故樂爲傳之以愧世之爲富不仁者

馮士演太學生律身端謹慨慷樂施乾隆十八年歲凶出穀賑濟邑令柳秉謙贈聯云濟時抒夙抱仗義洽鄉評三十五年歲復歉人給穀五斗族黨多沾其惠舊志官年八十一

黔陽縣志

卷第四十一 獨行一

三

周賢附貢生爲人質樸善氣迎人以勤儉致富每豐歲所獲租不敢糶盡語人曰地方不務積穀一旦有急何以應濟乾隆庚寅穀價驟昂鄉鄰缺食賢出其所積人給穀五斗戊戌歲大歉知縣葉夢麟方平糶勸賑而賢首捐穀一千碩爲富戶倡遠近飢民遂多賴以全活縣府道皆贈匾褒之舊志

危露太學生性孝友爲人思深慮遠而慷慨好義乾隆癸酉歲歉以千斛貸鄉戊戌大饑施食數月其董建文廟及奎文閣捐穀二百石於書院資族中秀者以膏火壬辰歲有司採買給半價冊書以擅捐控露露慨然賠銀八百兩控者鑄碑縣衙闔邑寃之而露殊不以爲意舊志

馮時楹太學生生平公正不阿乾隆癸酉歲旱邑令柳秉謙勸富民捐穀賑饑楹急公好義柳書胞與存心以贈年七十五終舊志

賀祖序太學生素敦信義好善樂施人負金有難償者輒焚其券鄰有欺佔者置不較嘗倡捐安江等處渡田人胥利賴焉邑侯柳贈聯褒之

舊志

郭世鎬太學生厚重好義宅旁有會邑民蔡氏者暮年孤寡鎬日飲食之里中有以產售鎬收價八十餘兩措約重索鎬仍如數以償人服其德量

舊志

向時藻邑庠生居家孝友以詩書貽穀倡建宗祠爲家訓十餘條族人服焉好施濟飢者與粥病者與藥桐木灘有鷹嘴巖不利行舟購匠鑿去之龍標書院缺膏火捐地數畝以助歿年七十有三

舊志

以下新增

邱應高字惺軒嘗游金陵江甯守陶易聘入幕會淮安水災應高奉檄齎糧登舟見大江屍積急以重利啗水師晝夜兼程較限期

黔陽縣志

卷第四十一 獨行一

四

先到十一日活民無算及返城鄉大疫勸巨商段金鑑主施藥材應高親爲調治多賴以全年七十有七無疾終於家又邱應昇邑庠生以型方訓俗爲己任凡不肖輩皆畏其聞知率改行焉子茂楨歲貢生

易英廷賈於邑之新路河晨見豕嚼污囊啟視白鏹盈中遂守以待俄有人哭尋於市詰而還之謝以半不受問姓名亦不言術者嘗相其鰥貧無嗣後子孫累世蕃昌又易紹旺嘗賈貨洪江市值觀劇者如堵地有遺金一囊重三百餘兩卽聲於眾問其人還之楊光潔字玉川例貢生樸厚沈毅勇於爲善嘗慨然有范文正先憂後樂之志父思錦擬修義學未果潔與弟光洪力建經蒙兩塾約費萬緡置田租數百石嘗捐修學宮七百緡歲儲穀四百石每夏末開倉發給不取償年終藉以度歲者日填於門不少吝惜凡

疾病施藥死葬施棺至解衣冠爲之斂諸子隆冬薄緜敝服或以爲言潔愀然曰自奉不儉彼門外餓夫將安取資少時師友數十年猶月送薪米無德色無怠心有某生拙而貧潔日以粟課其文藝之多寡試則備其資斧數年名竟成其培植士類多如此待人無疾言遽色里中游惰望而走避爲所愧也尤篤孝友母老弟多病特援例請封持千金託友金耗復來仍如數予之略不介意朝夕焚香爲母祈壽兄弟白首同居從無間言其天性至誠論者謂近時罕有歿之曰村人奔走悲號生平不履城市不構一訟或藉端需索率順應之弗計多少桂林龍啟瑞殿撰督學湖北語潑人謀景星云家大人夢楊某爲湖州城隍神蓋殿撰父嘗令黔陽者也生能葆真沒則爲神理固然與光洪有傳見孝友又從兄光沼天性純厚里人敬服

危成景字照樞一字龍洲孝子危階四世孫乾隆中由廩貢生任零陵縣教諭遷湖北黃州府教授歷官凡二十餘年勤於課士素尙節義前攝黔陽令宋溶有隱惠於民數月去任景未之晤也旣五年宋令祁陽以事繫獄虧帑千金無敢過問者景聞馳送金五百更約同志一夕足成款數宋訝所自曰吾以抒黔士民之深愛志去思耳居恆教子弟云爾等居心薄故見有不好人吾居心厚故不見有不好人粹然長者之言卒年七十有七著有沅湘偶得吟不欲行世宋溶爲作義士傳

王昌富字禮亭監生以善居積致富自恨年少失學延師教子督課甚嚴遇儒宿文人挽留款洽執禮如弟子母家式微餘中表一人爲娶妻延嗣祁姓某以販木負逋四百餘金旣客死貲耗子某願償以田卻之而返其券生平好義大都類此有異稟會家不戒

於火片紙無存能歷識不忘遠近業主素德其爲人重書契券無異言以子繼賢 誥封奉直大夫人謂富而好禮昌富有焉
易舜尙字進取兄某性豪俠尙樽節盡禮曲意調持家承素封自高曾四代皆以好善樂施名遠近仰託尙恪遵先德憐恤孤貧濟人急難常如不及坐是家落率行如初里中推善人者必首及之時止門外田一隅盡售以延西席或諷之若弗聞也以孫孔昭貴貲贈奉直大夫

王永誥字吉人好義重然諾父天衛見孝友傳衛嘗代親鄰交游貸社穀五千餘石久不能歸至誥遂成巨款知縣龍光旬憐其因人受累責親族富家攤補誥不忍波及變產清完並焚其借券五百餘紙坐是家落終日唸詠自娛年八十無病而終子九人世牧邑庠生

黔陽縣志

卷第四十一 獨行一

六

陳永貞字用六一字遂乾生有至性事大父必蕃敬養備至侍病三年未嘗少懈父仕廷好善年逾七十猶躬荷畚鍤雜傭伍中修治道路永貞感奮繼起每秋穫先詢佃戶豐歉輒如數讓予間有售其欺者亦坦然不疑來歲糶穀詢如前謂免稱貸人也乾隆丁卯大荒里某將鬻妻求活爲賑而全之己卯庚辰米騰貴永貞日置緡錢肆中爲添換之用人多陰受其惠年六十終以子昌材由拔貢任甯鄉教諭恭逢 覃恩贈修職郎

高其萃字拔羣縣丞家素封而多義兄某喜揮霍萃自奉恆約節所餘以供或支絀曲爲彌縫不使兄知撫孤姪數人皆成知名士有家落者割腴田數十畝予之憫寒峻無力卒業慨然出千金構日新鄉塾爲延名師飲其膏火子孫藉是奮勵多有聞於時或誦言愛士之報蹙然謝曰賴良友益方感激增愧遑言受報耶性廣

施予歲暮恆代人償逋族中貧不能度歲者按口資給卒無德色
其他橋梁道路皆竭力倡修子志道邑增生孫權之 恩貢生
現多蜚聲庠序

張士麒字應瑞好善樂施嘉慶戊寅己卯大旱設粥賑飢多所全
活嘗捐清河渡竹山冲義學及邑中賓興等田道光中邑令龍光
甸贈聯獎之孫和澤和沅皆有祖風

易舜琴監生仁厚而有操行廣施予舊俗貧家產女輒溺斃琴慘
然曰是何忍也乃設法縣賑詣報者與布作綳襦蓐婦月給廩米
全活甚眾俗因以移凡因婚嫁借貸從不責償見有戕殺蝦鰍者
必售放之數十年不倦心憫行人嘗建茶亭於巖頭他善行多類
此年八十餘終子服堯邑庠生爲堯例貢生

向文標字炳册以勤儉致富雅好義舉族戚質美而貧者資遣就
黔陽縣志 卷第四十一 獨行一 七
學成就甚夥凡有貸於已不能償者輒還其券歲荒發粟賑飢恆
罄所有屢修橋梁道路不自勒名里人高其義歿年八十五歲
邱應道居心廉厚數十年所藏借券晚悉火之年八十九歲終妻
王氏亦以賢淑名

易良槐好施予少賃邑城李某店居積數年得二千餘金及歸憐
李長厚而貧分半予之後李子式微數百里走叩其家復給三百
金兩女兒孀貧迎養於家並置田產裕其後歲施棺以百計凡諸
義舉歷行五十年不改子孫有聲庠序
易良佖照磨廳施棺濟貧乏不下數千金嘗游中州居從弟署中
年餘未嘗干以私

丁友榜字秀陞監生祖志遂監生與弟志進合爨至老有二難之
稱乾隆五年大水村至新路圻者三十餘里捐金修之村東通衢

圮會歲飢急興工修治路成而荒不害丙戌大祲捐粟備粥死者施糶兄弟俱以壽終父景爛監生與姪析產讓腴取瘠人多義之友榜克承先德凡有借貸不徵券取償於鐵坡山倡建茶亭置田二十餘畝善醫廣給丸散善諭曲直一鄉不興訟者二十餘年嘗探親夜經山徑一介負囊前驅羣乞居奇圍之俄驚爲榜物伏地謝曰善人也不敢負並具火護歸先是兩兄早逝撫遺姪如己子及析箸有策以均產者辭曰願守先人法年四十五病殆母至前疾力起進食如常母出暈絕者數易簣時但勉家人善事祖母子孫至今守其家法以孝友稱

向又陸庠生慷慨多義事繼母能得歡心師儒歷久能敬有告貸者數至不厭久而并忘歿前三日取簿券一一檢視盡焚之曰無令子孫日後累人也

向繼錫與弟繼鏞協力好義遠近衝要橋渡及鄉里匱乏者率解囊資之伯仲同聲響應嘗憫貧不能葬備棺施予自道光丙申三十餘載捐金不下數千其子孫恪遵罔替人謂詒謀之善云

易舜義字泰意監生父母早歿見善事親者輒爲零涕遇義舉不吝貲財有售以田者恆得善價既歲飢悉召資以金人曰古人三買人田欲效之耶曰是何能若輩將填溝壑死所不忍耳有無賴謀刈其稻義戒家人勿守曰彼迫飢寒故也獲某穿窬善遣之後遂改行年四十而鰥不復娶壽終七十有奇三十年不履城市

黃監詩家僅小康而好施予妻前夫子幼愛同己出妻歿續娶視如前爲成立室家里人稱其義值歲飢罄所有賑穀百餘石焚券百餘紙每逢誕日所施略如其數年七十六歲終

楊玉海多義舉邑溪渡徃徃病涉玉海嘗募修魚龍橋高拱堅固

所費不貲己酉大飢設法賑濟人深德之

廖恭畧貢生性好善邑中義舉多所倡修每於歲暮夏季擇老而貧者酌給錢穀一無德色遇事排解有魯仲連風年八十有三終子三杰武舉自有傳

易紹遇族某貧鬻妻泣別遇適售貨歸傾囊以濟夫婦拜謝不顧而去孫有聲於庠

廖恭選初貧嘗館族叔希鴻家晨夕必歸省母遇酒肉輒不食怪問之曰母在家詎有此耶鴻自是先遺其母人兩賢之其子放蠟營生值柏樹盛紅客市以三百金預投三之一數日盡壞黑客大窘選曰原金在何憂爲人訝其愚不答竟還之越日紅纍纍滿山矣選欲踐前言客曰此自君福拜辭而去家漸饒隨事施予至老不衰年八十有四終子孫多顯

黔陽縣志

卷第四十一 獨行一

九

易舜仕監生計歲出入有餘盡以周貧乏

羅肇鸚孝子昌教之子嘗於父所置新路渡增捐田穀數十石倡修灣溪口雲龍橋以麻池溝多盜賊狙伺行旅建關聖宮旁設茶亭以便來往人以爲孝子有後云

楊星門耆員老年好學人目爲書癡家貧課徒有餘即以濟人嘗募修祠廟大莊坪橋梁及救活溺女甚多

王昌彪字炳堂增貢生父有足疾服事不衰事繼母如所生從弟昌校早世彪爲教育遺孤經紀其家素鯁直不欺嗜讀書所爲文多可傳誦詩學香山能得其神嘗倡修學宮獨修山門塘石拱橋所費甚鉅年七十無病而終

王化亮孝而好義伯父四俱無後諸母有寡處者化亮本孤特爲擇功總親立嗣諸父議以宗子田與之弗受議納粟飲助亦辭強

之乃推爲祭產凡族中貧不能存窘不能婚者周給不少吝有捐金全人夫妻一事盛稱於時子世柏貢生 恩賜舉人

向本姓監生有清操好讀書屢試不售遂以醫術活人嘗與其兄本喆力捐祭產數十畝約族人安分守己以寡廉鮮恥爲戒終其身未嘗涉城市年七十有七終

馮萬珍監生兩兄無嗣珍皆爲撫孫承祧婚嫁其子女尤厚析產時予以肥腴而自取礪薄又馮代元亦以篤行聞

危有垣字星城曾祖露祖成校各有傳家貧游幕楚北襄其外舅楊兆杏治通山事事以民生爲重不名一錢杏故廉吏深相倚賴及歸行李蕭條夷然不以爲意有弟三皆早逝撫其子女教養兼盡性剛方不爲欺人語敦本睦族於奉先啟後事尤綜理精密初貧以醫術濟人晚小康調恤鄉里惟力是視著有勸學田記工七

黔陽縣志

卷第四十一 獨行一

十

弦琴嘗於黃鶴樓仙棗亭一鼓而天風泠泠江濤浩浩人謂成連海上移伯牙情云沉陵王友恭詩人爲序其幽篁彈琴圖見小自在吟館文集以子炳光 誥封奉直大夫卒年七十有六子二

錫瓚直隸州知州炳光運同銜陝西同知直隸州附錄今上勸學田記

多中材之故學不勸或勸之無其方世教之敝實由之吁人在有若者養之責也余長子錫瓚官桂陽縣教諭歸述其俗人割田無干畝則儲以孫世其學自此者悉不得與凡稍一人則專之眾置傳之無其人畝則儲以孫世其學自此者悉不得與凡稍一人則專之眾置傳之無窮子孫之段徵輸必立戶入冊成名每自愛即未成亦多所激勵余曰善哉危氏始明進士雙江公講萬物一體之學崇祀鄉賢自是咎哉余危氏始明進士雙江公講萬物一體之學崇祀鄉賢自是而科名而孝子悌弟大義夫節婦有光田五者八十餘人在吾邑爲最永然今少替矣曾大父次書公遺田五者八十餘人在吾邑爲冲蔣家堰等處既又更師其意爲族人倡歸於燈油曰勸學星城墓產有年業就理因亟師其意爲族人倡歸於燈油曰勸學星城食無所用心情民耳乃如武斷焉交通長吏直莠民也勿論飽帖括如傲辟自是求爲尋常愿樸之民不談風雅事氣節輒復甚也

是又非失養之咎彼其不負所教者之多矣余願食此租者慍慍然懼
爲世蠹文不養之恩與祖宗愛之深而期之厚斯淑下而大飭倫不爲
至於國家養士之恩無慚若夫行之義求志秀才任天淑下而大飭倫不爲
溫飽由是進之而已苟徒廁余曰勸學以田胡窮經之效如拔
而足其於是人已益乎或諗余曰勸學以田胡窮經之效如拔
成族英者闢無舍萃私乎子曰有廩是哉而夫黨拘術於一家世及而書院
義學興則廉隅礪善或不能以遠且周信惟家是賴蓋爲足尙矣且賞
則勸勸則書院義學或不能以遠且周信惟家是賴蓋爲足尙矣且賞
人不各有家乎一家如是則族如極之天下莫不如此亦何私
之非公而學不益勸哉然則楊婆田之返子孫慎無忘次書公之
遺以上繼雙江公之志其或爲世學徵也錫瓚
曰是不可無記爰諾其請以昭後之嚮學者

易堯魁性長厚人有侵凌輒出貲自解不與較或愆以訟婉言謝
之子孔祿事親以孝聞生平力田凡築隄修畔不分畛域人多化
之好施與己酉大饑稱貸以賑沒之夕人有見其騶從導去者
周邦建勇於爲義所修津路不下千餘金恤貧無葬常具棺槨並
給以資邑祀飛山神爲宋時保境歸順之始邦建捐田穀三十石
黔陽縣志

卷第四十一 獨行一

十一

以重神功其他善行人多道之

段景炤好善樂施至老不衰年八十三無疾而終

楊澍例貢生好爲義舉己酉歲大荒周給貧苦活人無算施棺十
年計四百餘具每棺給錢四百楮十斤資其葬事年八十終

易紹彩武生喜接文士村有塾建自明代復修數次倡捐膏火田
凡童試賓興及獎勵之資措置裕如足垂久遠耄年文社月課
試諸生猶終日坐守不移性方嚴遇是非曲直畧無假借族逾萬
丁雖不肖輩罔不敬服年八十六終子孫多有聲庠序

易舜伯監生好善樂施凡橋梁道路悉力修舉幼失怙恃事祖母
曲盡孝敬年八十餘終子入弟子員者二

楊震芳字占瑞年少尙氣旣乃折節爲善遇有義舉輒數百金不
惜每歲暮擔頭車尾不計值而厚予之曰昇平當同官彼一家賴

此度歲無令愁苦爲也

王繼才繼賢刺史之弟家素封而儉樸如寒素嘗離妻子獨居別墅數十年性喜接文士敬禮有加以鷓鴣灘險舟人多恐修三王廟積德累行至老不倦年八十餘終

張興珽監生生有異徵好善出於至性尤喜解紛爭常忍飢耐寒爲人勸諭或勢不相下輒陰出己貲賴以息訟者甚多坐是家貧嘗夜行險徑昏黑不辨忽有光距二三尺許導行而前及家人持火至忽不見人以爲善人宜有神護云又母弟應昌附生有學行家苦貧授徒爲業城居不履公庭訓子嚴切子正德藍翎把總寶樹訓導五品銜連陞藍翎守備

楊昌期字治堂州同孝母愛弟少倜儻不羣及壯深自檢束嘗刊訓俗遺規逢人勸諭尤矜重師儒咸豐初元延溆浦某生爲西席黔陽縣志

卷第四十一 獨行一

十二

左右趨承如弟子禮服役不假他人年餘病終於館去家數百里期爲厚殮親扶柩送歸喪葬具備其好義樂善人謂當繼其從叔光潔而起年四十一終鄉黨皆爲扼腕

楊興代母陽氏以節著代樸素謹厚道光己酉大饑無力賑濟乃焚券千餘金曰聊以寄吾心耳

邱茂華性篤實敦孝友兄嫂危氏老而貧奉養維謹凡鄰里急難傾身營救里人多義之子孫入鬻序皆有賢聲

唐齊韓堂弟某析居十餘年家業殆盡遺一子二女韓仍合爨撫養成立畢其婚嫁

蔣鈺光監生事母孝晨昏飲食不離左右同族貧者歲終分給米肉謂同是祖宗一脈不忍我獨豐而人獨嗇也同里蔣明體邑諸生事繼母以孝聞敦尚品學足不履城市蔣玉山以濟人利物爲

任家無長物不介於懷蔣仲權邑庠生好爲義舉有爭鬪能以數言解之

王繼周字作孚監生幼失怙奉祖母及母兩世孀居曲盡孝道性慷慨好施家祇薄產凡窮乏急難津路棺槨惟義是行坐是家落不悔年八十五終

蔣明瑞工岐黃術貧乏者資其刀圭同里蔣明耀善睦族凡有爭競陰出金解之蔣光有一介不苟取嘗曰利爲怨府禍之媒也不特及身且累子孫聞者歎服

向朝用好善樂施老而彌篤

楊景謙監生字受益父正善化訓導有傳見儒宿傳事繼母氏易孝順如所生課讀五弟多列膠庠析產哀多益寡推讓自甘人有稱貸難償者盡焚其券曰無遺人子孫累也歲歉傾貲周濟無少

黔陽縣志

卷第四十一 獨行一

十三

吝其他修橋砌路解囊樂輸年八十八無病而終孫興鈞衛守府天性純篤祖母年八十八母年八十有五能先意承志有兄一克敦愛敬尤好義舉嘗助置義渡設義學廣賓興凡有貧乏量力施予道光中倡採合邑節烈貞孝婦女舉報三百餘人年八十一歲考終

楊景忠性慈厚家不甚豐好恤貧乏或恃其易欺多方需索率溫慰資遣之歲荒不待告急輒先給予以是多改行者嘗買某田十餘畝值償且久秋熟大穫而去佃戶奔告曰渠舊業能遽捨耶後當不爾矣佃愕然忠云汝分吾自償之何憂爲明年割如故佃轉告其子忠聞佯怒旣仍置不問某大慚謝竟還穀於門又無賴某忽於忠田堆土爲塚忠知邀視稱異之並許多藉餘地其人謝曰實非吉穴欲借端索金耳不料寬厚如此敢欺善人乎其德量類

如此子十孫曾蕃衍

段汝震字東升少負奇氣以不遇入貲爲衍聖公典籍借補隨朝伴官親老告歸先是父廷幹以兩兄連喪母又逝日夜哀痛至兩目失明汝震諸事先意承志得其歡心家亦寢昌父目因之復明好義舉邑經蒙兩塾書院及祠廟爲力最多嘗改家塾爲義學二所輸金五百兩倡捐四千七百餘兩置田穀三百三十八石延名師主講一時稱盛地藉淘金爲業每致傷決墳墓汝震設法禁止並施給貧乏俾各務本圖或言其宅風水大佳遂讓爲祠屋人以爲有范文正遺風云

段景蓉字紫峰邑名諸生事繼母最孝謹母先爲毛家婦蓉視其子女如同胞男置室家女備嫁具人多義之尤勇於善行凡修橋砌路矜恤孤貧所在以其意行之劉士先教授爲之傳

黔陽縣志

卷第四十一 獨行一

十四

廖班字瑞羣質直坦率胸無城府人以事就質據理排解爭訟以息能知人有善行龍殿撰啟瑞初隨父任來黔陽班一見許以大魁果如其言修轉見庵捐田十餘畝他義舉多類此劉士先教授爲立傳目爲完人

廖儒吉字惠迪性好施道光己酉大饑儒吉減糶旣又贍以米咸豐辛酉帽子坡土匪滋事避難來者約七百餘人乏食待斃儒吉人給穀一斛俾脫於難他如設黃絲洞救生船置蒙溪口津渡所在皆有義舉

向敦本理問銜少能文不遇性好周濟貧無葬具者恆施棺瘞之通醫理聞病卽往不計遠近並於無力之家代其藥餌里中多賴以全活著有醫方便覽子敬知庠生

易紹恪好善里有爭訟輒出金解之常捐修橋路於龍溪隘施茶

以濟行人遠近德之

易良玳廉介不苟嘗於逆旅廁中拾白金一封待人還之

唐公家能文不遇以經術啟迪後學精岐黃貧乏者輒施藥料又唐公贊剛方好義嘗倡修魚龍橋鉅工也

馮多中字占三性敦厚事繼母以孝待友以誠尤矜恤異鄉多賴以成立室家人德之而多中不以爲功邑名士邱開來爲之傳

易舜信好義勇於任事人有紛爭善曉諭曲直多賴以息訟族某貧欲嫁其妻信出金賑之遂得完聚又嘗約族紳紹祝等倡捐學田穀四十石以勵後進人多稱頌

周德俊字輔臣忠厚好善道光辛巳歲饑家無餘貲因借穀百石以濟貧乏冬則製桶十餘及鍤鋤等物給人掘取蕨粉里黨義之黃志虞仁厚好善日用外歲餘穀百餘斛量給貧民不取償數十

黔陽縣志

卷第四十一 獨行一

十五

年未嘗或易臨終屬其子孫曰吾無厚藏及人祇此願汝曹他日推廣之並取他券數千金悉焚之不留隻字子永綏拔貢生孫曾昌熾爲邑世家

向作鑑字德安篤於孝友兄弟分爨涕泣數日田地讓腴取瘠里有負債難償者悉還其券性嚴正諸子姪不衣冠不敢見有過輒自責必長跪請改乃己人以爲有石氏風

易志先性純篤三兄相繼外出欲往尋父母憐其年幼止之乃禱於神求示所在夜夢神告以諸兄落業蜀中無容往也遂以親老而止所居四十里外有田數頃荒年盡施給其地至今稱之

廖德政字子珍由吏員考授主簿言動不苟當事重之戚某構訟理曲遺百金求關說政曰吾不可以貨取也鄉之雅好施濟多義舉卒年八十弔者以千計妻李氏亦壽八十無疾而終嘗於巖龍

砦置義田一百八十餘畝子孫遊泮及食餼者共二十八人中鄉榜者三授明經者六皆盛德所致其曾孫三杰有孝詣莊圖記胡宗濂字又周候選教諭樸厚精明生平解釋紛難爲一鄉倚重尤好義舉嘗於要津捐貲造渡修卜順對河沿江繚路又與弟宗泌邑庠生合捐軟脊冲田穀六十餘石於沅郡育嬰堂與弟宗洛郡庠生價置安江紅土坡爲客民安厝之所並自捐白竹山義地其他善行多類此

楊學芳□□善生平不多置產助修礮路凡千餘金歲暮鄰里貧乏者恆約己給之家落不悔

向昌明質直好善置祭田數十畝以所餘儲爲子姓鄉會試費凡入泮食餼均優獎之遂定爲永式宗祠遠在城隅貧士艱於赴祭每歲酌給路資並倡置周家陂田莊以豐祠祀族庠生昌倫以場黔陽縣志

卷第四十一 獨行一

十六

事被困力救之以脫於阨他義舉尤多又向昌達爲人樸厚老成排難解紛鄉里德之